

LAUDES IN VERGILIUM.

Vergili, solis similis corusci,  
Qui tot in terris rutilas alumnis,  
Perge Musarum radios beatis  
Fundere nobis.

Quidquid excudis catus atque versas  
Carmen est plenum, magicum, sonorum:  
Exit e versu sonipes quatitque  
Ungula campum:

Irruat ventus pelagusque vela?  
Audiam versum gemitum referre  
Navis et raros simulare vasto  
Gurgite nantes.

Nisus en demens comitem tuetur,  
Ursus ut natos, inimica spernens:  
Cernimus tanti pia corda vatis  
Ingeniumque.

Si Venus nostros imitetur artus,  
Voce mortales superet puellas,  
Divo at incessu potius, magisque  
Fronte serena.

Visus in somnis genitor sepultus  
Astet Aeneae? Gelidus mihique  
Fiat in venis cruor et meo vox  
Haereat ore.

Bella cum narras strepitum dat ipsum  
Carmen armorum sonitumque conchae;  
Ultor auditur ruere in trementes  
Fulminis instar.

Quam tuis, mentes, apibus sagaces  
Quotque das curas animosque regni!  
Mella servantur domino tibi que  
Fama Perennis.

Consulis Nato recinis quod ante  
Jehovae vates cecinere et ipsi:  
Jam leo ponit furias rubetque  
Sentibus uva.

Quo sed excellis reliquis poetis,  
Et rapis duro lacrimas legenti,  
Est amor Didus, furor atque funus  
Turbinis instar.

Ignis hauritur cupidis medullis,  
Vulnus in venis alitur veneno;  
Saevit in sese fremebunda poscens  
Punica bella.

Vergili, Romae veteris Magister,  
Quot novi mundi socias alumnos,  
Semper ardentes doceas amare  
Carmina tanta.

JOS. SHEMBRI, SAC.

A SHROPSHIRE LAD.

XVIII.

Oh, when I was in love with you,  
Then I was clean and brave,  
And miles around the wonder grew  
How well I did behave.

And now the fancy passes by,  
And nothing will remain,  
And miles around they'll say that I  
Am quite myself again.

A. E. HOESMAN.

ut me cepit amor tui, Neaera,  
vixi tunc ego purus atque fortis,  
et manabat inusitata fama  
mores esse mihi graves bonosque.  
iam marcescit amor tui, Neaera,  
mox vestigia cuncta deperibunt;  
et vox undique talis audietur;  
'rursus sanus is est potensque mentis'.

H. H. HUXLEY.